

宋史紀事本末

宋史紀事本末

宋史新事

本末一四

大齊

同治甲戌季春  
江西書局開雕

宋元紀事本末序  
讀史至宋跋乎傷之代侔漢唐  
而文出夷貉其書闕允不足述  
也莆田柯氏新史肇興遼金二  
國降列載記規模反正卷帙微  
省而取材未廣闕如生恨薛王

通鑑出入陳氏旁摭曲證自謂  
功高而參觀前史漏萬非一余  
嘗欲取脫脫一書翦截繁陋別  
韓老同傳之非去琬琰濫收之  
謬然後大采遺文博蒐典故斷  
以己意成一制作而家鮮倉乘

畋漁無術訪求幾載國野並存  
大者五六小者十數巽巖真本  
尚歎未見其他殘失皓首何窮  
元史速成眾思寡集卷末論贊  
俱從姑舍豈犬羊冤旒當付不  
議抑方之房魏謙讓多矣夫全

史定則通鑑成通鑑行則本末  
出宋元之際苟有作者三書兼  
舉旦暮可遇乃積久無聞懸書  
不立北海高安勉因舊文分代  
次事題目博設意在便覽非求  
必傳余聊從二家寄以論難彌



綸目前綱紀有待不敢即為建  
安續也宋治懦弱文繁實少元  
臣譏之隆替略備顧法高前代  
亦復有四曰禮臣下崇道學后  
妃仁賢宗室柔睦內治既脩兼  
以外攘天保采薇宜克永世而

駐蹕一南國祚竟覆論者咸咎  
熙寧變法宣和極亂然周室東  
遷平王絕望莫高宗構若也汴  
京失守中原雖沒而建炎紹興  
勢最可為岳韓劉吳百戰百克  
假令有一中主如晉孝武唐肅

代者為之南面任使不疑擴清  
天步六合版圖將大於建隆豈  
特謝安捷肥水郭李收兩京哉  
孰意構既無良檜尤凶醜君臣  
魚水專戮干城大將既盡不復  
生神州既棄不復還孝宗有志

而湯思退主和寧宗無能而韓  
侂胄主戰馴至理宗政繇史賈  
桑柔板蕩繼以草黃大運竭矣  
胡元主夏草昧不寧英宗之弒  
泰定之篡明寧之殂順帝之立  
國皆可亡必緩及至正勝廣始

起秦皇厭勝唐明祝天真人將  
降適有期乎蒙古色目班高漢  
南西僧帝師道尊孔子明堂配  
天風猶冒頓固知百年數窮無  
俟紂惡之熟也間居尚論紀志  
表傳各有竊取未幾散去感同

雲煙嘗念神器襁褓雛鼠難竊  
胡歡漢悲憾深曷喪逆取順守  
道固多途大抵開闢之憂勤不  
敵季朝之燕逸羣賢之勞蓋莫  
救一夫之頑讒古今盡然不獨  
兩代也藝祖法慕成周而禍夷

於石晉鞞韃地廣秦隋而歷短  
於拓拔中國之所以失即夷狄  
之所以得夷狄之所以失即中  
國之所以得也周書戒王殷監  
不遠漢臣進規引秦為喻人君  
善監者必自近始即宋元未竟

之編亦何不可資金鏡禦不若  
乎

婁東張溥題



宋史紀事本末目錄

卷一

太祖代周

卷二

收兵權

卷三

平荆湖

卷四

平蜀

卷五